

小兒衛生總微論方

三

中國醫學大成第十集

兒科類甲  
兒科叢刊之一

小兒衛生總微論方 三

上海大東書局印行

# 小兒衛生總微論方

## 卷六

### 驚癇別論

#### 驚癇齧牙

小兒驚癇發搐。有齧牙不休。及未發。發過時亦常齧牙者。予在行朝。有李統制一子。病證如是。遂請衆醫詢治。有言是驚入於腎者。此乃喬岳漢東王先生歌中睡裏齧牙驚入腎之句。其意謂牙爲骨。骨入腎。故以言之。此常流無據語也。古書無有。亦無驚入腎之理。果用藥無驗。今詳校其證。特爲明之。乃足陽明之病也。足陽明爲胃之經。起鼻交額。循鼻外入齒中。還出俠口。環脣下。交承漿。過頤後。出大迎。循頰車。且發搐爲風。風屬木。胃屬土。木能刑土。是以牙齒受風則痒。頰車邪干則緊。故使齧牙不休。以緩頰車之急。以解牙齒之痒也。治當去胃中風

#### 暗瘡

暗癇其病似驚癇。又似中風痙病。遇其發時。則暗地急。至令人僵仆。心神昏塞。志意迷悶。氣亂不省。手足彈撥。戰掉搖擲。喉中涎響。或吐痰沫。或作吼叫。其脈三部陰陽俱盛。每發遠則終日。或半日。近則一兩時辰。發過便起。卻如不病之人。俗呼謂之癇病。稍輕者謂之暗風。古人又云。小者發則爲驚。大者發則爲癇。小者氣血怯嫩。發卽難當而傷多。大者氣血壯盛。發卽易任而失少。

驚癇餘證

小兒驚癇搖擲。至發定之後。有諸餘證不退者。雖大勢已罷。而病本尙在。或服冷熱藥過多。或汗下之失宜。故癇搖難退。而有餘證也。

驚癇兼別病

小兒病久發搖。則五臟俱虛。並受其病。故發則血亂。心氣搖擲。肝昏困。脾體冷。腎又有因虛而別病兼發。或別病而因帶驚癇。或有一方兼治之者。並採而具之。

治驚癇齧牙方

蟬花散

治驚風齧牙。并夜欬嗽。

蟬

花和殼

僵

蠶去絲  
浸炒熟者

甘

草各一

玄胡索去皮半分

右爲細末。一歲上兒一字。至三四歲者半分。煎去土蟬殼湯調下。無時。

小鎮心圓 治諸驚齧牙不寧。大便色青。

硃砂水飛

鐵粉

京墨各一

腦子

麝香各一字

右爲細末。陳米飯和。圓菴豆大。每服二三圓。荊芥湯化下。無時。

治暗癩方

真熊膽半兩

生天南星末半兩

粉霜一分

硃砂半兩

雄黃半兩

腦子半錢

麝香一錢

時。右勻研細。用豬膽汁和丸。粟米大。每服五七丸。至十五丸。金銀薄荷湯下。無

神烏散 治暗風癩極妙。

〔歌曰〕 臘月烏鴉一個全。

麻纏烏嘴安瓶內。用瓶藏盛

半兩硃砂口內填。  
鹽泥固濟火中安。火燉乾

黃昏上火天明住。用木炭一稱半。

取出篩羅爲末研。

每服一錢麝酒下。一日三服。

服之十日定須痊。

又方 名同治同前。

渾黑老鴉全者一箇

胡椒七枚

蒼耳心子七箇

右用一藏瓶入逐藥味在內。鹽泥固濟。木炭火煨煙盡爲度。取出研細。每服一錢。空心熱酒調下。如患疝氣腎腫。陰囊偏墜。更入新生孩兒胎衣一副同燒。亦依上法。蔥椒熱酒調下。看大小加減。

異聖散 治癇病日發數次。諸藥不能差。

豬蹄甲

不拘多少淨洗去帶毛。剉碎於鍋內炒令煙盡。取出於地厚鋪紙薄攤其藥以金蓋之。候三日出火毒畢。爲細末。

金星石

銀星石

青礞石

各半斤。三石同入一合內。以馬糞和泥固濟。曬乾。先用熟火漸

漸燒之。次添炭火煨令通赤。取出仍先令礞一火。毒爲細末。

右用豬蹄甲末二兩。石末一兩半。再研勻細。入生麻油半兩。再研極勻。每服半錢。以漿水研百遍調下。空心食前服。小者減之。

日應丹 治癇病連年不差。

黑錫

硫黃

水銀

鐵粉各一兩

金箔

銀箔各三片

右先將錫於鐵銚內溶化。次入水銀。不住手攪令勻。次入硫黃諸藥。同炒攪勻。離火再炒良久。都傾出。用紙襯地上。頓一宿。出火毒訖。再研令勻細。以熟軟粟米飯和丸。菴豆大。每服五七粒。煎人參湯送下。無時。

接生如聖丸 治癩病暗風。年深不差。

赤石脂二兩

消石半兩

白礬枯過一分

右爲細末。糯米粥和丸。菴豆大。每服十九十五丸。溫水送下。食後。日三服。如日一次發者。服半月即愈。

啄木散 治多年癩病。

臘月啄木鳥一個。用無灰酒三升。先以瓦罐子一個。底鋪荊芥穗葉厚一寸。上頓啄木鳥。又用荊芥穗葉蓋一寸厚。傾酒在內。仍用紙封合。鹽泥固濟。炭煅之。候酒乾青煙出爲度。去火放冷。只取啄木鳥研爲末。次入下項藥。

石膏二兩

鐵粉用漿水半升煮盡研細末用一兩

硃砂一分研

附 子一兩正生者炮裂去皮臍

麝 香一分研

腦 子一錢研

右同勻細末。每服一錢。先令病人呷溫水三兩口。以溫酒一盞。先少許調藥飲之。餘酒送之。服畢。便就枕睡。少時。臨發時。一服。候一兩日。更服一次。每兩日一服。不過十服。即愈。予有一親姓王。患病十餘年。發即涎潮。手足僵蹇。顛仆不省。服此藥百服而愈。小兒可減服。

又方。取芭蕉自然汁。時時呷一兩口。甚者服及五升。必愈。前有親姓王。同服此得效。二者恐不可並廢。此亦治驚癇搐搦。邵通直云。加麝香尤妙。

治諸癇通用方

開關散 治諸癇潮發。牙關緊急。口噤不開。不能進藥。

蟾 酥片一小 鉛白霜一字

右研令極細。用烏梅肉醮藥於兩口角。揩擦良久。乃開。以進別藥。

蠟梢散 治如前。

蠟 梢七箇 朴 消一錢

右同研細。每用一字。或半錢。揩牙。須臾。即牙關口噤自開。然後進別藥。

定命丹 治諸癇發搐壯熱昏塞不省。

蠍七箇 微炒

天南星炮裂爲末一分

白附子炮過爲末半分

青黛半錢 研

蟾酥一錢 乾者 酒浸一宿

麝香一字 研

右爲細末粟米粥和丸。菴豆大。別以青黛爲衣。新生兒用細粉一捻。油兩滴。新汲水一蠅殼。化藥一米粒許與服。便當汞粉取下胎中舊糞。則驚熱諸疾不生。若患驚癇困重者。用荊芥薄荷湯化下一丸。得困睡無疑。至覺乃愈。但有患者。先化下一丸。滴入鼻中。得嚏者爲必差。不嚏者難治。

人參茯神湯 治諸癇發搐精神昏憤。

羚羊角屑

人參半 薑

茯神剉去心木以 上各一兩

天門冬去心

白鮮皮以上各 半兩

天竺黃

甘草各一 分

右爲末。每服一錢。水一盞。入薑二片。薄荷三葉。同煎半盞。去滓溫服。無時。

鐵粉丹 治諸癇搐搦。包絡有涎。胸膈不利。

鐵粉一兩 研

硃砂半兩 研飛

牛黃一分 研

乾蟾一隻 生薑自 然汁浸一時

爲末

蠍梢七個

右爲細末。糯米飯爲丸。黍米大。每服三五丸。煎人參湯下。無時。

大驚丸 治諸癇發搐。神志昏亂。痰涎壅塞。

雄黃

研飛

青礞石

火煨研

鐵粉

二錢

硃砂

研飛

蛇黃

火煨

研飛二錢

蝦蟆灰

半錢

右研勻。以水浸餅和丸。桐子大。每服一圓。煎薄荷水。磨剪刀股化下。日二三。

此藥治驚化涎。不用銀粉。服之則無他苦。不拘時候。

睡驚丸 治諸驚癇搐搦。痰壅昏憤。咽膈不利。

鐵粉

研末

茯苓

蛇黃

火煨將醋煮乾爲度

使君子肉

天南星

研爲粉以薄荷汁和爲餅炙乾

右各秤八錢末。入金銀箔各一十片。麝香一錢。腦子半錢。拌研勻細。糯米稀糊

丸。阜子大。硃砂爲衣。每用五歲上兒一丸。分二服。三歲下兒分三四服。並薄荷

湯磨下。無時。

豬膽半夏丸 治諸般癇搐。

右以半夏一兩。湯洗七徧。用豬膽三個。取汁浸半夏於瓷器中。日曬乾。切片

焙燥爲細末。生薑自然汁煮麵和丸。桐子大。每服五七丸。至十九。煎麥門冬熟水下。食後臨臥各一服。忌動風毒物。其效如神。

天麻防風丸 治一切諸癰。抽掣搐捻。精神昏憤。痰涎不利。及風溫邪熱等疾。

天麻

防

風去蘆井  
義枝

人

參去蘆各  
一兩

乾

蠍

白僵蠶

去絲嘴並  
炒各半兩

硃

砂水飛

雄

黃各研

甘

草炙各  
一分

牛黃

麝

香各研各  
一錢

右爲細末。煉蜜和丸。桐子大。每服一二丸。薄荷湯化下。無時。

神聖辰砂南星丹 諸癰發搐。服之曾經大效。

右以天南星四十九個。一般大者。於五月五日。取活蠍四十九個。與南星同頓在一瓦器中盛之。用鹽泥固濟。外邊周密。吊於淨室中。至臘日取出。揀天南星曾被蠍蜇者用之。曾經蜇者有小竅子爲驗。其不曾經蠍蜇者不用。將可用南星以酒浸一宿。焙乾。杵爲末。次用好辰砂一分。真牛黃麝香龍腦各一錢。研細。一處拌勻。生薑汁和丸。桐子大。每服一二粒。煎人參薄荷湯化下。無時。

蟬螂散 治諸癰經驗。

右以蟬螂三十枚全者。用一大石榴割開頂上。取去穰子。作一甕子。入蟬螂在內。卻以割下頂子蓋之。紙筋黃泥固濟。厚半指許。初近火炙。漸至乾。入火燒令通赤。良久放冷。取其中焦黑者。細研爲散。每服一字。乳汁調下。兒稍大用半錢。防風湯下。無時。

白金散 治諸癇潮發。不省困重。

白僵蠶

去絲嘴直好者半兩。湯洗焙黃爲末。

天竺黃一分

真牛黃別錢

麝香研

龍腦研各半錢

右拌研勻細。每服半錢。生薑自然汁調灌。服無時。

神授至聖保命丹 治一切驚癇風痙中風。并胎驚內弔。腹肚堅硬。夜啼發熱。急慢驚風。惡候困重。上視搐掣。角弓反張。倒仆不省。昏憤悶亂等疾。

全蠍十四個青色者

硃砂水飛二錢好者

麝香半錢

防風去蘆并叉枝一錢

金箔十片

天麻二錢

白僵蠶去絲嘴直者一錢

白附子好者二錢

天南星一錢

蟬殼去土泥二錢

右爲細末。粳米飯和丸。櫻桃大。以硃砂爲衣。初生兒半丸。周晬兒一九。乳汁或

薄荷水化下。三五歲有急候者。用二九。五七歲至十歲常服只一九。此藥性平溫。不冷不熱。大能鎮心神。退驚癇。安魂定魄。祛風逐邪。化涎消痰。甚有神效。世之名醫。固多妙藥。如或未得此方。請試合一料。驗之方知。子細養小之家。能自合之。庶不爲銀粉藥所誤。兼緩急亦可救人。服之無時。

青金定命丹

治諸驚癇抽掣瘈瘲等疾。

水 銀研膏

辰 砂水飛

全 蠟小者

天南星生

犀角屑各八分

天 麻

白附子燒存性

白僵蠶去絲嘴直

青 黛半兩

麝 香二錢

右同爲細末。先用煮熟棗肉與水銀研膏。至無星爲度。然後和藥末。如硬。更入棗肉。候得所卽丸。如雞頭大。每服一九。薄荷溫湯下。無時。

治驚癇後餘證方

延壽散 治癇搐止後。再被驚者。仍要發搐。

雞舌香 一錢

黃 耆一分蜜炙黃

辰 砂二錢水飛

五靈脂去砂石半錢

右爲細末。嬰小用一字。二三歲半錢。四五歲一錢。糯米飲調下。無時。

迴魂散 治癇搐差後。多吐逆腹脹。氣急不食。及罷驚之後。一切虛候皆主之。

人

參去蘆

茯

苓去黑皮

甘

草

白僵蠶

去絲

硃

砂水飛各一分

白附子

半錢炮

全

蠍一錢

蟬

殼去土淨洗去足二十個

右爲細末。每服半錢或一錢。煎冬瓜子薄荷清米飲調下。量兒大小與之。乳食前。

仙烏豆 治因發驚癇之後。心神失守而癡。

號

丹二兩

晉

礬二兩

右同爲末。入一合子盛。先用蛤粉封口縫。後以鹽泥固濟。炭火煨通赤。放冷取出。研末。以水一斗。黑豆五升。同藥末於鍋中煮至水盡爲度。曬乾。任意與食。服無時。

通關散 治驚癇退後。只是聲啞不能言。

右以天南星炮裂爲細末。嬰小半字一字。二三歲至四五歲兒半錢。六七歲兒一錢。積豬膽汁調服。嚥下。便能言語。昔錢乙治王氏子慢驚退後不語。他醫作失音治之不差。乙曰。旣失音。何開目而能食飲。又牙不噤而口不緊也。諸醫皆

不曉。乙曰。此前患驚癇時。曾用清藥利大小便。致脾腎俱虛。今補脾實而治驚已退。腎尚虛怯。不能上接於陽故也。遂以地黃丸補數日。能言。其方本集載之。天茄散。治驚癇退後。筋脈不舒。不能行步。或因汗出驚退。而汗出不通所致。茄。種見雷者半兩。種切雷者半兩。附子半兩炮裂。羌活去蘆一分。右爲末。二三歲兒一字。五七歲半錢。七八歲一錢。麝香酒調下。日三。疾愈止服。不拘時候。

### 治驚癇兼別病方

麝香餅子。治慢驚因虛而風邪。又從背俞襲之。入傷心肺之經。爲相合之病成。

慢驚。本證之外。更加胸滿短氣。冒悶不省。汗出無時。外但心中風者具中風門中

川烏頭半兩炮去皮。天南星半兩炮。白花蛇酒浸一宿去皮。

乾蠍梢半兩。赤頭蜈蚣二條酒浸黃已上先爲末。麝香半兩。

乳香一分。硃砂一分。鐵粉一分。牛黃一分。

右同拌研勻。細酒糊丸。雞頭實大。捻扁。每服一餅。人參薄荷湯化下。

烏梢丹。治如前。

烏梢蛇水浸去皮

天漿子微炒去殼

麻一兩

防風去蘆并叉枝一兩到

天南星微炮

乾全蠍去毒

白附子炮

大附子去皮臍裂

半夏一兩湯洗七次

人參去蘆

右都一處。好酒浸三宿。取出焙乾爲細末。次用水磨雄黃一兩。辰砂一兩。同研

細。水飛焙乾。麝香二錢。龍腦一錢。各研細。與上件同拌勻。糯米飯和丸。黍米大。

每服五七粒至十粒十五粒。量大小加減。金銀薄荷湯送下。神驗。不拘時候。

乾漆蕪荑散 治諸般蟲證。傳帶驚癇。齧齒直視上竄。叫呼搐搦。漸成危急。

乾漆杵碎炒令煙盡卽止白蕪荑去皮各等分

右爲末。每小者一字。大者一錢。米飲調下。日三。量大小加減。以差爲度。乳食前。

絳朱丹 治驚癇涎痰。欬嗽喘滿。

南星二兩

半夏三兩湯洗七次去滑

礬枯過秤一兩半

滑石二兩火煨通赤

鉛霜半兩

右爲末糊丸。麻子大。硃砂爲衣。每服十丸。生薑湯送下。乳食前。

緩息湯 治虛而生風。發搐喘滿。此慢驚候

桑白皮三兩

白茯苓去黑皮二兩

白僵蠶去絲嘴一兩

杏仁去皮尖炒黃二兩後

入

甘草炙半兩

人參去蘆半兩

桔梗去蘆半兩

白朮一兩

陳皮去白一兩

右爲末。每服一錢。水一盞。入生薑三片。同煎至六分。去滓放溫。時時呷之。此黑

孩兒柏防禦方也。服之便定。

青金丹 治諸癩諸疳諸蟲瀉利等疾。

青黛二分

雄黃二分

硃砂二分

胡黃連二分

膩粉

熊膽溫水化

蘆薈各一分

白附子

腦子

麝香各半

蟾酥各一分

水銀卑子大一塊

右爲末同勻。用豬膽汁熬過。浸少蒸餅和丸。黃米大一歲兒二九。量大小增減。如諸癩潮搖。先以一丸溫水化破。滴鼻中令嚏。弔眼者自下。搗搗亦定。更用薄荷湯化下一二服。如變蒸寒熱。亦薄荷湯化下。諸般瀉利。米飲下。諸疳粥飲下。疳蟲蚘蝨。苦楝子湯下。疳蝕口瘡鼻爛。乳汁研塗。疳眼雀目。白羊子肝一片。竹刀批開。研藥作末。摻在肝片內。麻纏米泔煮熱。空心服。乳母常忌魚大蒜雞

鴨豬肉。

如聖青金丹 治一切風癇搐搦。及寒熱腹痛。諸蟲五疳入利。肚大脚細。泄瀉無時。天弔胎驚。暗風癇病。熱疳口瘡等疾。悉能主之。

青 黛半兩

瓜 蒂一分

硃 砂一分

輕 粉一分

蟬 殼三錢

雄 黃一分

蘆 薈一分

胡黃連 一分

熊 膽一分

麝 香少許

右爲末。勻細。用豬膽汁和丸。桐子大。瓷合貯之。諸般驚癇。風疾搐搦。上視。溫水化。一丸。滴鼻中。嚏噴立效。更用薄荷水化下一丸。久患泄瀉。腹脹肚大。脚細諸疳。米飲化下。餘同前方。

麝香丸 治諸癇諸疳等疾。

草龍膽 去蘆

胡黃連 去須各半兩

木 香

蟬 殼去土一分

瓜 蒂

龍 腦

麝 香

牛 黃錢各一

右爲末。勻細。豬膽汁和丸。作兩等丸。大者如菉豆。小者如黍米。治疳眼。用豬肝湯下。五七丸至一二十丸。量大小。用藥增減。疳渴者。豬肉湯下。驚癇發搐。上視。

薄荷湯下。更研一丸。滴鼻中。牙疳鼻疳口瘡。研末傅之。蟲痛煎苦楝湯。或白蕪荂湯下。百日內兒大小便不通。水研封臍中。諸蟲證加乾漆。麝香各少許。入生油一兩。滴溫水化下。驚疳或秘或瀉。清米飲下。病急者研碎服之。病緩者浸化服之。若極虛慢驚者。不得與服。急驚痰熱。尤宜服之。

奪命丹 治一切諸般驚風天吊。暗風痲病。胎驚發搐。上視身直背強。及治五疳肌瘦羸瘠。肚大脚細。髮稀饑渴。又治便利膿血。水穀不化。洞泄下注。并溫壯身熱。口瘡煩躁。叫啼等疾。

硃砂半錢研

麝香研

麒麟竭半錢各

牛黃研

龍腦研

沒藥研

熊膽研

粉霜一錢

青黛三錢

使君子十個去殼末

右相和再研勻細。取井花水滴水爲丸。如豌豆大。每服一粒。以薄荷自然汁半蜆殼許化開。入溫湯半茶脚調勻服之。若諸疳瀉利不止。或驚熱涎盛。吊眼發搐者。以三九化下。更量大小加減。

治諸驚癇客忤 以麝香當門子一粒。好硃砂一塊。如當門子大。同研極細。溫熟

水調下。未能服者灌之。

治驚癇夜啼。以仙人杖安兒身邊令睡。仙人杖乃筍欲成竹時立死者

### 中風論

小兒血氣柔弱。肌肉脆薄。若寒溫失度。則膚腠開而爲風邪所中。始著俞穴而行經脈。次隨血氣而入府藏。從其所著。卽生病焉。其入府藏者。唯心肺二藏居膈膜之上。空隙之處。又俞穴亦在於上。故風乃易中。而有患者。其狀昏困不省。手足抽掣。心胸滿。氣短多汗。此尤爲急。大抵其餘府藏。皆居膈膜之下。疊實之處。又俞穴亦在於下。故風乃難中。而無患者。其入於經脈者。爲病甚多。今採其有患者具之。風瘧者。一云風邪傷中陽經也。或因解脫。或臍瘡未合。爲風所傷。皆令發瘧。其狀口噤不開。項背身體強直。耳中策策而痛。一向昏憤不省。其脈如弦。直上下也。雖與驚癇相似。然發而時醒身軟者。驚癇也。若發不時醒。身鞭強直者。風瘧也。其卒然身瘧者死。風角弓反張者。亦由風傷陽經也。故令腰背反折。不能俛屈。如角弓之狀。此亦頗似瘧病。然瘧病身體強直。此病身體反折。所以異也。風口噤者。

手三陽之筋入絡頰頰。足陽明之筋上夾於口。風邪中於諸陽之筋。使機關攣急不利。故使口噤不能開也。診其脈遲者生。風拘攣及不遂者。風邪寒熱入於經絡。搏於筋脈。筋脈受邪。冷則四支拘攣。熱則緩縱不遂也。診其脈。脈急細如絃者。筋急拘攣也。若脾脈緩弱者。四支不遂也。風口眼喎斜者。由風邪入於頰頰之筋。其脈偏急。故令口眼喎斜。目不能平視。語不能正也。診其脈浮而遲者可治。又云夜臥當耳有隙。因風入耳。亦令人口喎也。風癱不省者。由風邪先中於陰。病發於五藏。其狀奄忽不知人事。喉中噫噫有聲。舌強不能言。汗出身軟。眼下鼻兩邊人中左右有色白可治。若一黑一赤吐沫者難治。汗不出體直者死。

### 治心肺中風方

半金散 治心肺中風。昏困不省。心胸滿悶。抽掣短氣。汗出不休。

烏蛇肉酒浸去支 天麻一兩 全蠍去毒炒 僵蠶去絲嘴炒

硃砂半兩 龍腦一錢

右爲末拌勻細。每服半錢。溫湯調下。無時。

比聖丹 治如前。

乾全蠍

去毒一枚重半兩上

羌活

去蘆半兩

白附子

半兩

天南星

生半兩

黑附子

炮裂一枚重半兩上

右爲細末。入膩粉一錢。研勻。煉蜜和丸。菴豆大。每服五七粒。荊芥湯下。無時。

白花蛇散

治心肺中風。聲不能出。

白花蛇

腰以上者酒浸去皮骨炙黃一兩

羚羊角屑

一兩

桂心

一兩

菖蒲

者一寸九節人參一兩

川烏頭

半兩炮裂去皮臍稱

右爲細末。每服一字。或半錢。麝香荊芥湯調下。併二三服。無時。

治風瘧方

通聖散

治中風瘧病。口噤體強。耳中策痛。昏憤。發不時醒。

蠍尾

二十個去毒

晚蠶蛾

十四個

天漿子

去殼十個

白附子

上爲末

硃砂

一分

麝香

研一錢

右拌研勻。每服一字。或半錢。薄荷湯入酒兩滴調下。

天南星膏

治如前。

天南星

一兩爲細末酒調慢火熬成膏

赤頭蜈蚣

半兩

全蠍

半兩

烏蛇肉酒浸去皮骨半兩已上先爲末

硃砂水飛

牛黃研一分

麝香研一分

右同勻細入南星膏和劑。石臼中杵膏。軟硬得所爲度。每服一皂子大。薄荷自然汁入酒一滴同化服之。無時。

### 二證同治方

烏犀煎 治心肺中風。及風痙病。

烏犀屑一兩 天南星半兩微炮

白附子半兩炮

天麻半兩

白花蛇酒浸去皮骨炙黃半兩

蠍梢半兩去毒

右爲細末。用無灰酒兩大盞。銀器中同熬成膏。每用皂子許。麝香湯化下。無時。

奪命散 治如前。

乾蛇頭一個酒浸炙黃取肉赤頭蜈蚣一條酥炙黃

乾全蠍去毒一分

麻黃去根節一分

草烏頭一個去皮尖炒黃已上爲末

硃砂一分

牛黃一分

龍腦研一錢

右拌勻細。每服一字。溫酒調下。無時。

烏蛇散 治如前。及治風角弓反張。并一切諸風之病。

烏蛇肉生一兩

石菖蒲一兩九節者

天麻半兩

全蠍半兩去毒

僵蠶炒去絲半兩

附子一枚半兩者裂去皮臍

羌活半兩去蘆

人參去蘆半兩

半夏一分湯洗切片炒黃

白附子一分炮

右爲麤末。每錢。水二盞。生薑十片。薄荷五葉。同煎至一盞。濾去滓。放溫時時滴口中。

治中風角弓反張方

歸魂散 治中風腰背反折如角弓之狀。

蠍梢半錢

赤足蜈蚣半條炙

水銀粉一字

川烏頭尖二個炒令深黃色

白花蛇肉酒浸取多黃秤一錢

天南星一切碎生薑自然汁浸一宿焙乾秤半錢

腦子一字

麝香一字

右勻細末。三歲下兒一字。上至四五歲兒半錢。金銀薄荷湯調下。量大小虛實

加減。無時。

水銀丸 治如前。

水銀

蛇

黃

燒赤米醋  
淬七次

輕

粉三錢

雄

黃

研水飛  
各一錢

生犀末

半錢

右同爲末。勻以青州棗肉和丸。大豆大。一歲兒蜜水化。一丸。無時。

治中風口噤方

石膏湯

治中風口噤。頷頰緊急。冥冥如醉。

石膏

獨活

去蘆

川升麻

各一兩

麻

黃

去根  
去節

桂枝

赤芍藥

防

風

去蘆  
義枝

細

辛

去苗  
半兩各

甘草一分

右爲末。每服一大錢。水一盞。入薄荷竹葉各數片。煎至五分。去滓溫服。無時。

羌活紫湯

治中風口噤。身體強直。

右以羌活一兩。去蘆頭剉碎。酒三升。浸一宿。用黑豆一升。淨淘炒煙出。乘熱就

鍋中以酒藥沃之。放溫去滓。每服一注。子灌之。日二三服。無時。

雀矢丸

治中風口噤。聲音不出。飲食不下。

右取雄雀糞研末。糊丸麻子大。飲下三二丸。薄荷湯亦得。大良。雀矢白亦佳。

又方 治口噤領急。風中陽經。

右以白棘燒灰研爲末。水調一錢匙服。

又方 治卒口噤不開。

右以附子末。蘆管吹入口中。甚良。

治牙噤不開。以天南星一枚煨熟。乘熱用紙封裹。不令透氣。仍於上尖處剪一

雞頭大竅子。透氣於鼻中立開。

治中風拘攣不隨方

獨活黃耆湯 治中風四支拘攣。

獨活

黃耆

酸棗仁

湯浸一次  
各一兩

麻

黃

去根  
節

羚羊角屑

桑白皮

肉

桂

去粗  
皮

芎

藟

各半  
兩

右爲細末。每服一大錢。水一盞。入生薑、薄荷各三片。煎至五分。去滓溫服。無時。

赤箭湯 治中風半身不隨。

赤箭一兩

僵

蠶去絲  
炒半兩

白附子

半兩

獨

活

去蘆  
半兩

麻黃去根  
節

白花蛇

酒浸去  
骨各半兩

杏

仁

三十個  
皮尖研後入  
炒去

右同爲末。每服一錢。水八分。煎入石榴皮少許。煎至五分。溫服無時。

治中風口眼喎斜方

防己湯 治中風口眼喎斜。視不能平。語不能正。

漢防己

川升麻

天麻

川芎各一兩

桂心

羚羊角屑

麻黃去根節各半兩

右爲細末。用杏仁一分。湯浸去皮尖。炒黃研細拌勻。每服一錢。水一盞。入生薑三片。薄荷三片。同煎至五分。去滓稍熱。時時與服。

二聖散 專治中風口眼喎斜。

蟬

殼去土一兩五月五日取東南枝上者

寒食麵一兩

右同研勻細。每用半錢。以醎醋調攤薄紙上。如膏藥花子。貼患處。左斜貼右。右斜貼左。如口正急。以水洗去之。

全蠍散 治中風口眼喎斜。語言不正。手足偏廢不舉。

全蠍去毒炒

僵蠶去絲嘴直者炒

川芎

黃芩

大天南星湯洗七次去皮臍切焙

甘草炙

桂不見火

赤芍藥

麻

黃去根節各三錢

天

麻六錢

右爲粗末。每服二錢。水一盞。生薑七片。煎至六分。溫服無時。

硃砂丸 治中風口眼喎斜。筋急牽引。

硃

砂研飛

乾

蠍微炒

天

麻

白附子炮

牛黃

白僵蠶

去絲嘴微炒

乾

薑炮剉

麝香研各一分

右爲細末拌勻。軟粳米飯和丸。黍米大。每服三錢。乳汁送下。日三服。無時。

又方 名同治同。

硃

砂研飛

乾

蠍微炒

僵

蠶去絲嘴微炒

天南星炮裂各半兩

白附子一分

右爲細末。糊丸茱豆大。一歲兒一九。薄荷湯下。隨數加之。無時。

治風癱不省方

槐子煎 治中風癱困不省。

槐

子微炒

白僵蠶

去絲嘴微炒

防

風去蘆

白附子炮各一兩

乾

薑炮

麻

黃去根節

半

夏湯洗七次各半雨爲末熬膏

硃砂半兩

牛黃一分

麝香一分

金箔二十片

右用好醋兩大盞。與前藥慢火熬成膏。次後入後藥和勻成劑。圓萊豆大。每服五丸。溫酒送下。量大小加減。牙關噤者。幹灌之。

急風散 治如前。

白附子四枚大者 蠍去毒五枚炙

天南星一箇剉炙 半夏十箇湯洗七次去滑盡

天麻一分 膩粉半錢

右爲細末。每以一錢分四服。薄荷酒調下立效。能治一切諸風。更量大小與之。

愈風湯 治如前。

香附子炒毛 川芎 羌活去蘆各等分

右爲細末。每服一錢。水半盞。入酒兩滴。同煎至七分。溫服。急者湯酒調服。

小兒衛生總微論方

卷六

中風論

# 小兒衛生總微論方

## 卷七

### 傷寒論

經曰。傷寒有五。有中風。有熱病。有溫病。有中溼。有傷寒。其所苦各不同。此五者配入五氣。隨四時爲病。故春風夏熱秋溼冬寒。中溫而傷寒則居一焉。其細論在傷寒類證集中其四時之病。皆謂之傷寒者。乃總概之名也。內熱病者。乃盛暑之時。炎熱之氣中人爲病也。又名曰中暍。溼病者。乃雨露霜霧。烟嵐水漬。溼氣中人爲病也。小兒無此二病。謂小兒不治家事。未有幹辦。早臥晚起。不致衝冒故也。外傷風傷寒溫病。小兒有此三病。謂嚴寒厲風溫氣。無所不至。小兒肌肉脆軟。氣血柔弱。易爲傷之故也。是三病者。其證其脈。不可診切。兒稍大者。可切脈而別之。傷風之脈。陽浮而陰弱也。傷寒之脈。陰陽俱盛而緊濇也。溫病之脈。行在諸經。未知何經之動。隨其經之所在而取之也。若嬰小未能診切者。但看其形候耳。

傷風者。乃四時八方爲厲之風傷人。其候昏睡呵欠頓悶。口中氣熱。或自汗惡風發熱。鼻鳴乾嘔。熱多寒少。面光而不慘。手足皆熱煩躁。治當發散。有飲水者。有能食者。有不能食者。其飲水能食者。可微下之。餘不可下也。

傷寒者。乃冬時嚴寒之氣傷人。入於腠理。當是之時。壯者氣行而已。怯者則著而爲病。其卽發者爲傷寒。至春發者爲溫病。一云在夏至之前夏發者爲熱病。在夏至之後非中

至之後非中其候而赤。渾身壯熱。頭痛體疼。鼻塞聲重。清涕欬嗽。寒毛立。氣促急。

或嘔吐白水。寒多熱少。面色慘而不舒。手足指末微冷。不煩燥而惡寒。傷風者不

風傷寒者不惡風而惡寒其惡風者當風而乃憎寒治者若脈洪盛。身體壯熱。頭

也其惡寒者雖不當風而亦自憎寒也以此別之痛面赤。四支暖者爲陽證。宜汗之。若脈微細。身冷不甚。頭痛體疼。面青四支冷者

爲陰證。宜溫之。

溫病者。四時之間。非節候邪氣傷人。如春應溫而反寒。夏應熱而反冷。秋應涼而反熱。冬應寒而反溫。言此時通行此氣爲病。無少長略同。故名天行時氣。又名時行溫病。其候頭痛身重。壯熱體疼。與傷寒相似。但臨時看其脈與其證。屬何經受病。隨經而分別之。以爲治也。以上三病。通以傷寒爲治。邪在外者。解之。汗之。邪在

內者。溫之下之。當隨證按法而行之。錢乙言傷寒男體重面黃。女喘急面赤。各憎寒。口中氣熱。呵欠頓悶項急。此乃不分傷風傷寒而概言之也。況傷風傷寒證候傳變多端。自有專經可憑。孫真人云。治小兒與大人無異。惟減用湯劑極少耳。更有傷風寒而兼食者。俗呼謂之夾食傷寒也。其候壯熱煩渴。鼻塞聲重。四支困倦。眼黃腹中脹痛。涎唾嘔逆。或呵欠頓悶。治者不先攻所傷。但先解表。候表解然後下之。則病與食自然去也。若不顧其表。便以藥攻之。多致結痞也。又有因失飢而食寒飲冷。傷於脾胃。而中風寒。其候胸膈不快。腹脹而痛。面色脣口皆青。手足逆冷。脈沉細者。此寒傷於脾。病屬太陰。庸工不識。以爲胸膈不快。妄用針灸。或便投駃藥。則胸膈愈不快而吐利。只一兩日間。便致危殆。此不明之誤。非其治也。所謂傷寒。本經藥證甚多。難以具述。今採其小兒常所患者之方。及有所兼見之證。略爲條敘。傷風寒手足冷身熱。面赤頭痛者。此脾怯也。宜先和脾。然後發散。傷風寒自利者。脾虛也。宜先補脾。然後發散。未差者先調順其中。有下證者微下之。有驚者退之。

傷風寒腹脹而喘者。脾虛也。宜先補脾。去脹定喘。候喘定。然後發散。

傷風寒得下後。大勢已退。而餘熱未解者。是下之太過。胃虛而熱乘之故也。胃中虛熱者。飲水無多。當生胃中津液。津液得生。則熱與渴皆止矣。已上錢乙論其治方本集載之傷風寒其熱在外者為表病。若未入於裏而下之太早。裏虛氣逆。熱結胸中。堅鞭而痛者。此為結胸。但若鞭滿而不痛者。此為痞氣。若因飲水得者。則為水結。若三四日外熱入於裏。則腹滿痛。內實有燥糞者。當下之。若熱入大腸。則為大便秘澀不通。若熱入小腸。則為小便難澀不通。熱入大小腸。則為大小便不通。熱入脾胃。脾胃屬土。候於肌肉。熱盛蘊蒸於外。則為發黃。熱熏於心胸。則為煩躁。津液耗滅者。則為發渴。熱上衝咽喉。口舌者。則生瘡腫疼痛。有血泄者。血得熱則流溢妄行。從鼻出者。則為衄血。從口出者。則吐血。從大便出者。則便血。從小便出者。則遺血。若壯熱未汗。躁喘鼻鳴。因衄一升。數合而熱得歇者。病則解矣。若出至二三升者。危矣。若熱毒積滿於內。不得時下。致毒乘瘀血。則煩盛發狂。若鬱塞昏冒。悶亂者。死。若胃有寒氣相搏。則嘔哕欬逆。若肺有寒相搏。則欬嗽氣急。若氣怯者。傳變入陰。則四支厥逆。面青體冷。下利清穀。並當隨證施治。

錢乙論傷風、傷寒、瘡疹、傷食、壯熱、昏睡、一皆相似。若倉卒未能辨認之間。但與升

麻葛根湯。惺惺散。小柴胡湯。此數藥通治甚驗。

聖惠方云。嬰孩傷寒。不可用性燥藥發汗。燥加府藏。熱極傷心。則厥逆而難治。又不可用性熱藥。乃助陽。陽極則陰爭。四支汗出如油。手足或冷或熱。多致發狂。顛癇搐搦。爲難治。又不可用性寒藥。寒則陽受其冷。則寒熱相擊。一向叫啼不睡。使熱上衝於腦。則頭骨縫開爲難治。予流落錢塘。就館於親家蘇伯正防禦家。伯正以醫治傷寒名聞。予常觀其用藥次第。若小兒傷寒壯熱。頭痛體疼。脈大鼻塞聲重。嚏欬呵欠。惡風憎寒。病在表可汗者。用銀白散。熱多者甘露散。有食飲宿滯。脾胃不和者。以安胃丸間服。胸膈不快者。以香殼散間服。煩渴飲水。或作寒熱者。苓砂散間服。有驚者。天麻防風丸。人參化風膏。涎盛欬嗽者。小珍珠丸。如此施治。隨手得愈者。十有八九。餘一二者。乃病久傳深。或已成壞證。方纔請召。亦依法調治。乃得痊可。其所用之藥。多非古方。性不燥熱。率皆溫平。是謂達南北之異地。識寒熱之所宜。深通古人治病之大體也。予盡得其方。今與諸方共敘於後。

銀白散

治傷寒壯熱。頭痛體疼。脈大。解表發汗。夾驚者皆可服。

右以煨熟寒水石半斤。研極細。入炒熟黃丹一錢半。研勻。如淡卽添入些小。以

紅粉色爲度。每服一錢。生薑湯調下。未能飲者。稠調抹口中。以乳汁送下。無時。甘露散 治傷寒壯熱。頭疼體痛。解表發汗。及熱多者。

右以好滑石二兩。研細。入甘草末半兩。拌勻。每服一錢。以濃煎蘿蔔湯調下。一方更有防風半兩爲末。同研勻。滑石可用桂府白色者妙。

安胃丸 乃化滯丹小丸子也

香殼散 治傷寒心胸滿悶不快。

右以橘皮洗去穢。爲細末。每服一錢。生薑湯調下。乳食前。

苓砂散 治傷風寒溫熱。表裏未解。頭痛發熱。口燥咽乾。煩渴引飲。或水入即吐。

小便不利。或作寒熱。及汗出表解。而煩燥不止。

右以五苓散半兩。入硃砂細末一錢。同研勻。每服一小錢。米飲調服。無時。

天麻防風丸。人參化風膏。二方俱具驚癇門。

小珍珠丸 治風壅痰實。利咽膈。除欬嗽。止煩熱。清頭目。

半

夏 湯洗七次焙乾爲末一兩

白

礬 煨汁盡研末一兩

寒水石

煨通赤出火毒研一兩

右拌勻。研細。麵糊和丸。黃米。麻子。萊豆三等九子。每服五七丸至十九丸。溫生薑

湯下。食後量大小加減與服。

歡喜散 治傷風寒。發熱頭痛。無汗惡風。或溫熱鼻塞清涕。淚出嚏噴。

防風 去蘆井 人參 去蘆 甘草 炙 天麻 去蘆

前胡 去蘆各 細辛 去苗 柴胡 去蘆各 白茯苓 去黑皮

桔梗 去蘆各 枳殼 去穰炒 川芎 三錢

右爲細末。每三歲已上抄一錢。水六分。薄荷兩葉。同煎三兩沸。通口服。無時。

紅綿散 治傷風寒。及夾驚取汗。

麻黃 去根 全蠍 炒 大黃 紙裹煨 甘草 炙

白附子 蘇木 剉炒 天麻 生各

右爲細末。一歲下兒服一字。已上兒半錢。四五歲一錢。水一小盞。以綿少許。裹

藥煎之。至綿紅色。卽去綿。溫服。

疳煎散 治傷風寒。夾驚潮發。頭痛體熱。欬嗽手足冷。

麻黃 去根節 人參 去蘆 茯苓 白僵蠶 去絲

全蠍 天麻 白附子 甘草 炙各

硃砂二錢 川烏炮去皮尖一錢半

右爲末。每服半錢至一錢。水五分入。坯子胭脂一豆大。薄荷兩葉。葱白一寸。同煎至四分。放溫服。不拘時。

千金丸 治傷寒夾風夾驚夾食。取微利。

硃砂末一錢 全蠍七箇 白丁香七箇

膩粉一錢

麝香半錢

右爲末。勻白飯和丸。蘿蔔子大。薄荷湯下。一歲兒三丸。量大小加減。無時。茯苓散 治傷寒數日。胸膈不利。調中養胃。

赤茯苓一兩 陳皮三分 桔梗去蘆一兩 甘草炙半兩

右爲末。每服一錢。水六分。入生薑二片。煎至四分。溫服。無時。

枳實散 治傷寒已汗未汗。卒胸膈痞痛。

右以枳實麩炒黃爲末。每服一錢或半錢。米飲調下。無時。

竹瀝 治傷寒數日。煩躁不解。

右以竹瀝新汲水各半。茶脚和勻。服無時。

真珠散 治傷寒口乾。心神煩躁。

真珠末研

龍腦研

牛黃研各半錢

瓜蒌根

茯神去心 硃砂研各一分

牙硝

寒水石煨半

右爲末。勻。每服半錢。蜜水調下。無時。

秦艽煎 治傷寒心神煩躁。口乾煩渴。

右以秦艽半兩。去蘆細剉。用牛乳半盞。煎至六分。去滓放溫。分三四服。無時。

藕汁蜜 治傷寒煩渴。

右以生藕搗取汁。半茶脚許。入蜜一錢。調勻服。無時。

葛根湯 治傷寒發熱煩渴。

葛根 人參去蘆各半兩

麥門冬去心

白茯苓

甘草 澤瀉各一分

右爲末。每服半錢或一錢。水半盞。薄荷兩葉。煎至四分。去滓溫服。無時。

百合散 治傷寒腹中滿痛。

右以百合半兩。炒黃爲末。每服半錢或一字。米飲調下。無時。

黃芩散 治傷寒五六日。大便不通。熱燥悶亂。

黃芩

枳

殼去穢炒

大黃

大腹子各半

右爲粗末。每服一錢。水半盞。煎至四分。去滓服。不拘時。

犀角散 治如前。

犀角屑

川大黃炮

柴

胡去苗各半兩

人

參去蘆一分

朴硝

甘草各半

右爲末。每服半錢。水五分。入棗一箇。煎至四分。去滓溫服。量大小加減。

石燕散 治傷寒小便不通。小腹胀滿。

右以石燕火煨爲末。葱白湯調下一字。以通爲度。無時。

又方 右以萱草根煎湯。調五苓散服之。乳食前。

葛根汁 治傷寒衄血不止。

右以生葛根汁一小盞。分三四服。卽止。無時。

立應散 治如前。

蒲黃

乾葛根末

石榴花焙乾末

右爲細末。每服半錢或一字。生地黄汁調下。併二三服止。無時。  
又方 以黃蘗爲末。每服半錢或一字。新汲水調下。無時。  
金汁蜜 治傷寒衄血。數日不止。

生地黄汁剗半

白蜜剗半

蒲黃半兩

右和勻微煖過。每服半茶腳許。無時。

神白散 治傷寒吐血衄血咯血。大小便利血。

槐花一分微炒

蛤粉半兩

右同爲細末。每服一錢或半錢。煎柳枝湯放溫調下。如脩合不及。但以柳枝爲末。新水調下亦可。

香墨圓 治傷寒衄血。兒小不能服散藥者。

右以好細墨爲末。雞子清和圓。黍米大。每五七圓。飲下或灌之。

地黄汁 治傷寒吐血。心胸不利。煩渴不已。

右以生地黄杵絞取汁。量大小與之。亦治衄血。

麥門冬湯 治傷寒欬嗽喘急。

麥門冬去心

款冬花去梗

人參去蘆

紫苑洗焙各一兩

桂心半兩

甘草一分

右爲末。後入杏仁二十枚。麩炒去皮尖。研細拌勻。每服一錢。水一盞。生薑二片。

煎至六分。去滓溫服。無時。

一捻金散

治傷寒風熱欬嗽。

白僵蠶去絲嘴一錢

甘草半兩

延胡索去皮

右爲細末。每服一捻。鹽汁調下。無時。

潤肺散

治傷寒鼻塞。涎壅欬嗽。肺氣不利。語聲不出。

麻黃去節根

人參去蘆各一兩

杏仁去尖

貝母去心炙炒

甘草炙半兩

陳皮去白一分

桔梗去蘆一分

阿膠蛤粉炒如珠

右爲末。每服一錢。水八分。煎至六分。去滓溫服。無時。

赤芍藥散

治傷寒陽證欬逆。

右以赤芍藥沸湯浸七徧。每徧以瓦盆蓋少時。數足取出。炒燥爲末。每服一錢。

豆豉三粒。生薑一片。水七分。煎至五分。放溫服。無時。

葦夏湯 治傷寒寒多欬逆。

葦澄茄

夏 葦各等分

右爲朱。每服一錢。水六分。煎數沸。入醋少許攪勻。帶熱服。

苓砂膏

治傷寒脈數。熱入胃嘔吐。

澤

瀉二兩半

桂去皮一兩

猪

苓去皮

赤茯苓去皮

白

朮去蘆各一兩半

右爲末。煉蜜和膏。雞頭大。每服一丸。生薑自然汁化破與服。只末用便是五苓

散。亦治發熱煩渴飲水。水入卽吐。或小便不利。瘀熱在裏發黃。濃煎茵陳蒿湯

調下。餘病飲調。

四味人參湯

治傷寒脈遲。胃冷嘔吐。

乾

薑炮

黃 苓

黃

連去鬚

人

參去蘆各等分

右爲粗末。每服一錢。水六分。煎至四分。去滓溫服。無時。

附子薑朴丸

治傷寒寒多嘔吐手足厥冷。

附

子炮去皮臍半兩

乾

薑炮一分

厚

朴

去粗皮生薑製一分

右爲末糊丸。麻子大。每服五七丸。米飲下。無時。

半夏湯 治傷寒嘔逆不下乳食。

右以半夏半兩。湯洗七次去滑。生薑一兩。同剉碎焙乾。每服一錢。水一盞。煎至五分。去滓時時與服。無時。

蘆根飲子 治傷寒乾嘔及反胃嘔吐。

生蘆根

切碎

青竹茹

各二合

糯米

半合

生薑

半兩

右咬咀。先以水一升。煮千里鞋底。取半升澄清。下藥再煮。取二三合。隨意服。量大小加減。

小半夏湯 治傷寒乾嘔欲死。

半夏

生薑

各一兩

右咬咀。以水一大盞。入藥煎。留半盞去滓。分數服。

三黃散 治傷寒發黃。

川大黃

半兩剉微炒

黃芩

一分

黃連

去鬚一分

右爲末。每服半錢。水六分。煎半去滓溫服。無時。

大麥苗汁 治如前。

右取大麥苗搗爛絞汁與服。小麥苗亦得。

人參柴胡飲子 治體虛傷於寒邪。渾身壯熱。頭目昏重。項背拘急。支體疼痛。乾噦嘔逆。或作寒熱。發歇無時。煩渴不食。

人參 去蘆

柴胡 去苗

白朮

白茯苓

青皮 去穰

桔梗 去蘆

麥門冬 去心

川芎

白芍藥

甘草 炙

桑白皮

升麻 各等分

右爲末。每服一錢或二錢。水一盞。烏梅一箇。煎至六分。量大小分服。無時。

治傷寒時氣。頭痛不可忍。

右以朴消研細末。生油調塗項上。

治傷寒毒攻手足痛者。

右以羊桃汁。雜鹽豉汁漬之。

黑龍散 治小兒傷寒在表。服冷藥寒伏於中。危困不得汗。

麻黃

去根節

竹茹 一分

蘇木 一分

蠅梢 二十箇

烏龍土一分乃火團也

右爲末。每服半錢。水五分。煎至三分。溫服。無時。

雞白調散 治傷寒傷風。發寒熱似瘧。久不差。漸變骨間蒸熱。

硃砂水飛

白礬枯

鐵華粉

粉霜

鉛白霜各一錢

輕粉

白附子各二錢

蠟梢六箇

龍腦

麝香各少許

右爲末。每服半錢。入雞子白。并花水共約一茶脚。調勻服。無時。

茵陳散 治傷寒發黃不可下。

茵陳一兩

白朮半兩

甘草半兩

右爲散。每服半錢。沸湯調下。小便不利者。加茯苓一兩。

絳雪丹 治傷寒五六日。發黃小便不利。煩躁熱悶。飲水煩躁不解。

硃砂半兩

硝石二兩

龍腦少許

右同研勻細。白米飯和丸。雞頭子大。沙糖水化下。量大小服。

商陸散 治傷寒咽喉腫痛。

右以商陸根切碎。杵爛炒熟。用手帕子裹之。熨腫處。冷卽易之。

甘桔湯 治傷寒咽喉妨腫。

桔

梗去蘆一宿焙乾用

甘草二兩

右爲末。每二錢。水一盞。煎六分。放溫冷。細細呷服。

黃檗蜜 治傷寒熱毒。口舌生瘡赤爛。

右以黃檗去粗皮。用蜜漬一宿。微煎過。含之。嚥汁勿絕。或以黃檗爲末。同煎膏

含之。量多少。

黃芩湯 治傷寒口舌諸病。舌黃舌黑。舌腫舌裂。舌上生芒刺。舌上出血皆治。

黃芩三錢

赤芍藥二錢

甘草二錢

右咬咀。每二錢。水一盞。煎至六分。去滓溫服。亦主鼻衄。

勝金餅子 治傷寒結胸氣痞。並主之。

大黃半兩

枳殼去穢熬炒

右爲細末。煉蜜和劑。捏作餅子。如小錢大。結胸者用芒硝半錢。同生薑水化半

餅。或一餅服之。痞氣者煎陳皮湯化下。無時。

生熟散 治傷寒結胸硬痛。

右以草烏頭二箇。一生一炮。同爲末。生薑自然汁和勻爲丸。如雞頭子大。每一丸用蜜湯化下。

芫花熨法 治傷寒因飲水心下結痞硬痛。名水結。

右以芫花醋拌勻。慢火炒熟。用綿裹熨之。冷卽易。再炒用。以效爲度。

藍龍 治傷寒熱毒乘心。神志冒悶。煩躁昏亂。

右以藍龍一字或半錢。新水調下。

苦參酒 治傷寒熱毒結在胸膈。六七日望死。

右以苦參半兩剉碎。用酒一盞。煎至半盞。去滓放溫。分三四服。連併服之。須臾吐出苦膽汁立愈。

黃連湯 治傷寒熱入腸胃。下痢膿血。

黃連 去積微炒二兩

黃蘗 微炒一兩

阿膠 粉一兩 蛤

梔子仁 半兩

右爲粗末。每服一二錢。水六分。煎至四分。去滓溫服。無時。

梔子仁湯 治傷寒熱毒攻於腸胃。下赤汁或如爛肉鴨肝。壯熱腹痛。

梔子仁二十箇

豉二合

薤白一握切

右以水二大盞同煎至一盞去滓量大小分作數服無時。

烏仙散 治陰證傷寒四肢厥逆

右以川烏不拘多少童子小便浸不計日數直至浸脫皮時用水淨洗切碎曬至八分乾便以紙袋盛弔於當風處用時旋取爲末臘茶調下半錢量大小及病勢與之。

燒附散 治傷寒陰盛隔陽身冷厥逆脈沉細而煩躁體冷

右以大附子一枚半兩者入急火燒微存中心二三分取出用瓷器合蓋放冷爲末更入臘茶末一大錢同研勻細每服半錢水一小盞蜜少許同煎半盞去滓溫服服訖須臾躁止得睡汗出而解又一方燒附末每一字或半錢酒調下頻服取汗出差小兒本怯者最宜服

茱萸熨法 治傷寒陰證厥逆

右以茱萸半升酒和勻溼用絹袋二枚盛蒸令熱甚以熨脚心冷卽易之候氣通暢勻暖卽止

牛蒡根汁 治傷寒汗後。餘熱不退。煩躁發渴。四支無力。不能食。

右以牛蒡根杵爛。絞取汁服。看大小多少與之。

玉女散 治傷寒汗後。潮熱日發。諸藥不效。

右以川烏一兩。火炮去皮臍。爲細末。每服一錢。或半錢。水一盞半。入生薑七片。棗一枚。煎至四分。溫服無時。

傷寒之病。傳變證候甚多。予嘗編傷寒類證論方。亦頗詳備。今集小兒傷寒截方。如或有證候未盡者。請照類證。依法爲治耳。

# 小兒衛生總微論方

## 卷八

### 瘡疹論

瘡疹之候。古今皆云大率與傷寒相似。然亦有小異也。其初覺之時。頭痛體重。面赤氣粗。壯熱多睡。驚悸呵欠。頓悶欬嗽。嘔逆噴噴。此皆同也。其瘡疹者。不惡寒而惡熱。面色與四支俱赤。眼睛黃。手足厥。唇紅。耳尖冷。尻骨冷。小便赤。大便秘。其脈三部皆洪數絕大不定。是其候也。此小異耳。傷寒者宜發散解之。瘡疹者宜溫平處方。惟不可妄發妄下。又不可令受風冷。其瘡疹乃兒在母胎中之時。食母乳穢。滋養兒五藏之氣。至生下已後。其毒不拘何時。須當出矣。惟年小者。皮膚嫩軟。瘡出駛易。謂數歲已下者若長大者。皮膚厚韌。瘡出艱難。謂數歲已上者然小兒所蓄胎中穢毒。因中寒溫。蘊發生熱。三日已上。熱運入皮膚。始如蚊蚤咬成赤點。或如沙粟癰疹。風痂之類。漸漸出而作瘡也。前人言瘡疹有表裏證。其瘡皮厚如赤根白頭。漸加赤

腫有膿。差遲者謂之大痘。此謂裏證。發於藏也。其瘡皮薄如水泡。破卽易乾者。謂之水痘。此爲表證。發於府也。此言雖簡。然未盡善。此但言膿疱、水泡二種。外斑疹。又不知屬何所主也。不若錢之所論。其瘡出有五名。以屬五藏之液。其狀有五象。以屬五藏之色。肝爲水泡主。淚以淚出清如水。其色青而大。肺爲膿疱主。涕以涕出濁如膿。其色白而大。心爲斑主。血其色赤而稍大。脾爲疹主。裏血其色黃赤而小。腎爲倒靨。其色黑。細說後諸藏內惟涕淚出多。故水泡、膿疱皆大。血營於內。所出不多。故斑子、疹子皆小也。又病水泡、膿疱者。涕淚俱少。以液從瘡出故也。譬如泡中容水。水去則泡瘦矣。凡瘡疹初欲出之時。則五藏證皆見。以熱併動於五藏也。及至已出時。乃得歸一藏者。以一藏受穢多而毒氣盛也。亦有兩證三證同出者。所受同而併發也。細說後昔錢乙治睦親宅十太尉疹子。與衆醫坐上問曰。疹未出何屬。一曰胃熱。一曰傷寒不退。一曰在母腹中時有毒。乙曰。若言胃熱。何乍涼乍熱。若言傷寒不退。七日之外。則爲再經。何證不相應。若言母腹中之毒。今發屬何藏。皆無以對。乙復曰。兒在母胎中。至六七月已成形。食母腹中穢液。入兒五藏。至十月卽穢液滿胃。至生時兒口中猶有不潔。產母以物拭清。又以黃連、汞粉下其

臍糞之穢。此母穢液不潔餘氣。在兒藏中。因遇寒溫邪氣相搏。而發熱出成瘡疹也。未出欲作之時。熱動五藏。則五藏之證皆見。呵欠頓悶肝也。時發驚悸者心也。乍涼乍熱。手足冷者脾也。面頰赤。欬嗽嚏噴者肺也。惟腎無證。以其腎在府下。不能食其胃液。其候平者。但鼈冷耳冷者是也。鼈耳俱屬於腎。居北方。主冷故也。瘡既出則歸一藏。肝爲水泡。肺爲膿疱。心爲斑。脾爲疹。腎雖無證。其候惡者。瘡變倒靨而黑陷。則歸腎也。此由不慎風冷內虛所致。瘡黑陷鼈耳反熱者逆也。今十太尉疹子無他證。當用平和藥爲治。用抱龍圓數服而愈。其方在本集載之。

凡瘡疹欲出者。身必發熱。其發亦自有時。隨藏所主。如早晨發熱不已爲水泡。日午發熱不已爲斑。晡時發熱不已爲疹。日晚發熱不已爲膿疱。發熱三日已上。熱運入皮膚卽出也。其熱重者瘡亦重。其熱輕者瘡亦輕。方其身熱瘡未出之時。須審認證候子細。不可有誤。誤則爲害大矣。且瘡疹欲作之時。皆身熱。熱則瘡亦未出。熱至三四日乃歇。瘡方出也。若腹痛者。是腹中先出。眼澁者。是眼中先出。咽喉口舌痛者。嘴先出也。若三日已後不出。或出不快。熱留膚腠之間故也。當以藥微發之。止可服升麻葛根湯。抱龍圓之類。平平者藥。或兒身不甚熱者。與少胡荽酒。

飲之。此微發不出。卽加藥發之。旣發之後。出不多。脈平無他證者。卽是瘡本稀也。不可更發。若不能審察病勢輕重。但務多以熱藥發之。則熱藥熏蒸。瘡出轉難。別生熱證。大小便不通。更以駛藥下之。便致危殆。此誤之甚矣。若瘡欲發之時。有大熱甚者。只可與利小便。如覺熱極毒盛。服常藥不可及者。宜微與利之。以減其毒。不可大利。須是子細。常與看覷。雖夜間亦不住用燈觀照。若未有赤紅點子出時。乃可與微利。若已有出者。則不可利也。錢乙有曰。身熱煩渴。腹滿而喘。大小便秘澁。面赤悶亂。大吐者。當利小便。不差者。微導利之。此亦瘡疹未出之前。有此熱溼之證。解而不減。乃可與微利之。張渙亦曰。瘡疹未出。脈洪數甚大不定。而小便赤。大便秘者。此證正宜疏利。渙頻年在禁中。及在外治。此證甚多。皆獲安愈。亦與上證並同者也。若紅點未出之前。無此熱實之證者。亦不可利。朱肱曰。傷寒身熱在表。固不可下。瘡疹身熱在表。亦不可下。蓋傷寒與瘡疹一體之病。是以傷寒證中有出瘡疹之候也。世人不學。妄云瘡疹初覺未出時。宜先利。其毒已出者。不可利。若出已定。膿血太盛者。亦可與利。此皆非也。大抵瘡疹首尾皆不可下。此言甚善。醫者當務從之。若能審察瘡疹於未出之前。別無熱毒之證者。不可與下。有熱毒

之證。輕者與利小便。重者利小便不減。方可與微下。若已出者。慎不可下。至出足已定。亦未可與下。須直候瘡痂焦落。美飲食。能舉動之後。方可與解餘毒藥下之。亦不可用駛藥過多。如此則無誤矣。是以瘡疹變黑陷者。多因誤投冷藥。妄亂下之。及不慎風冷。乳食不飽。內虛脾弱所致也。故兒病瘡疹。不得令受風冷。冬月必在暖處。夏月雖不可壅遏。亦須避其風涼。在涼蔭處則可。又當頻頻喂飼乳食。常令飽足。無令飢餒。今俗輩多禁食餌。殊不知飢則內虛。脾胃氣弱。別生他證也。且瘡疹欲發之時。身必壯熱。二三日漸涼。瘡方始出。其出快瘡紅肥脈浮大而數者。毒氣出也。若瘡出多。卻身熱疼痛者。是內熱外瘡。燄之所作。至出盡則涼也。庸工不明。見身熱疼痛。以爲熱盛。便投涼藥。致身反涼而瘡出不快。變黑黯倒陷。脈沉細壞亂。到此病家方覺。醫者拱手。如是夭傷。誠可哀惜。昔倉公扁鵲論小兒疾證。湯藥有可服不可服之別。宜先順陰陽。次調榮衛。然後方利藏府。古聖立言垂法。爲後世逆治之戒。豈可忽諸。故衆病之中。惟瘡疹切忌妄下爲最。昔錢乙治睦親宅一大王兒疹子。始用一李醫以藥妄下之。其疹稠密。乃召乙。乙見大驚曰。若非轉下。則爲逆病也。王曰。已下之。乙曰。疹始出。未有他證。不可下。但用平和之藥。頻

與乳食。不受風冷可也。如三日外。出不快者。當依次發之。有大熱者。當利小便。如瘡痂起能食者。微利一兩行即止。今先下早。瘡未盡出而稠密已盛。爲難治。此誤也。縱雖得安。其病有三。一者疥。二者癰。三者赤目。李不能治。經三日黑陷。復召乙。乙曰。幸不發寒。未致困也。蓋瘡黑者歸腎。腎旺勝脾。土不能制水。脾虛寒戰。則難治也。今未發寒。乃用藥瀉膀胱之府。府若不實。則腎之藏自不盛也。乃得安愈。或曰。何不瀉腎。以腎主虛。而不受瀉。若二服不效。加寒則死矣。乙之治方。本集載之。凡瘡疹欲作。有發驚搐搦者。以疹瘡由熱所生。心主熱而爲驚。又熱則生風。風屬肝。心肝二藏風火相搏。故發驚搐也。輕者瘡出熱去則自愈。重者亦當瀉其心肝之盛也。又有因驚而發瘡疹者。驚本亦由熱作。治當退熱定驚。庸工不明。更以熱藥發之。致發熱入表。表熱而斑出也。昔錢乙治四王宮五大尉。因墜秋千發驚搐搦。前醫以熱藥發散不愈。召乙。乙曰。本乃急驚。後生大熱。初當合用利驚藥治之。今發散乃逆也。乙用藥退解之。至三日肌膚尙熱。乙曰。更二日不愈。必發瘡疹。蓋熱不能出也。後二日果瘡疹出。以藥治之。七日愈。其錢乙治方。本集載之。凡瘡疹出有輕重逆順。輕重者若只出一般。或出作數次者輕。若三兩般同出。或

一次便出盡者重。出稀者輕。出密者重。裏紅外肥者輕。外黑裏赤者重。裏外俱黑者大重。瘡端裏有黑點如針孔者。勢劇也。青乾紫陷。昏睡汗出不止。煩躁熱渴。腹滿而喘。大小便不通者。困也。逆順者。先發膿疱。後發疹子者順。先發水疱。後發疹子者逆。先發膿疱。後發水疱多者順。少者逆。先發水疱。後發疹子多者逆。少者順。先發疹子。後發斑子順。先出疹子。斑子者。後必更出水疱。膿疱。先出水疱。膿疱者。後必不出疹子。斑子。蓋以水疱。膿疱重而毒氣出甚。斑子。疹子輕而毒氣出微。甚者必帶了微者也。微者不帶甚者故也。予家有數小兒。皆先出疹子。次出水疱。次出膿疱。共三次而已。其先出疹子者。或恐有斑子兼出。以斑疹相似。此兩般乃子母之藏。故又輕重順逆更看時月。大抵瘡疹之病。在表屬陽。出則爲順。不出則爲逆。春夏病之則順。秋冬病之則逆。又冬月腎旺寒冷之時。病者多歸腎而變黑也。又當辨春膿疱。夏黑靨。秋斑子。冬疹子者。亦不順也。病雖重。瘡紅肥猶當十活四五。若黑陷者。無問何時。十難救一。其候寒戰牙噤。或身腫瘡黑紫者。急以藥瀉膀胱之府。以減腎氣而救之。若服藥後身熱氣溫欲飲水者可治。以脾氣生而勝腎。寒冷去而溫熱生也。若服藥之後。惡寒不已。身冷汗出。耳聃反熱者。死候也。以腎

大旺。脾虛不能制也。

凡瘡疹出多稠密徧身。其勢太甚。兒甚苦之。及變黑倒靨不出者。急以豬血腦子救之。沈存中侍郎有方。治瘡疹欲發。及伏陷危困者。取臘月豬血。瓶盛掛風中令乾。每用半棗大。加生龍腦豆許。溫酒下甚效。予家有小女病傷寒。但腰痛晝夜號哭。手足厥冷。日加昏困。形證極惡。予疑是倒發瘡子。先不畜此藥。急令就屠家處買少生豬血。時盛暑。投之血已敗惡。無可奈何。遂多以龍腦和而灌之。一服遂得少睡。須臾一身瘡點出。獲安。不爾幾死。

凡瘡疹若黑陷而忽瀉。便膿血并痂皮者。此卻爲順也。如水穀乳食不化者逆也。何以然。且瘡黑屬腎。今脾氣本壯。或舊服補脾藥。脾氣得實。腎雖用事。脾能制之。今雖入腹。爲膿血及痂皮得出。是脾強腎退。卽出而安也。若瀉米穀。乳食不化者。是脾虛不能制腎。則自洩也。此必難治。

凡瘡疹若嬰小及乳下兒病者。不可與稚一等爲治。妄施湯藥。小者宜少服藥。惟忌多服。服則反爲累也。又令母慎口。又不可令兒失飢。避其風冷。及用藥調理乳母爲佳。若斷乳兒患者。亦當審其輕重大小用藥。如至八九歲以上。至十歲外

者。方可施藥也。

凡瘡疹兒病大盛。徧身潰爛。膿血沾黏衣衾。睡臥不得。及有瘡成片段無皮。或作竇穴。痘癰膿血多。盛者用臘月黃牛糞日乾。燒灰鋪一寸許厚。令在上臥之。及摻其瘡潰無皮之處。卽愈。一方用黑牛糞燒灰。傅亦得。

凡瘡疹兒病面上有者。纔膿出急。以真酥潤之。頻潤爲佳。纔有痂。便揭去。更潤之。縱雖揭損有少血。亦不妨。但以酥或麵油塗潤之。若不潤及揭遲。則瘡痂乾硬不落。有礙肉生。卽隱成癍子也。此理昭然。人多不曉。反謂揭早成癍。甚誤也。

凡瘡疹切忌雜人。恐有汗氣狐臭觸之。又不可令兒聞穢惡臭物也。故左右不可闕於胡荽。以胡荽能禦汗氣。及辟諸惡氣故也。家有數兒。一兒旣患。餘兒次皆及之。便當爲備以防之。以穢氣轉相傳染也。兒能食者。可時與少葡萄食之。蓋能利小便。及取惡穢出快之義也。

凡瘡疹兒患者。切不可洗面。恐生水入眼。卽損眼也。若初欲發時。驗得的當。急以胭脂或藥塗兒面目周圍。令瘡不上面入眼也。若瘡入眼者。是毒氣入於肝經。上衝於目。若瘡初出時。覺眼腫痛。便與時時開眼看之。睛上無瘡。卽不妨矣。若有瘡。

須服藥治之。睛破者無奈也。若瘡乾以後。無故眼腫痛者。是餘毒不盡所攻也。又瘡疹已發。及或入眼。切要慎口。止可食粥及鯽魚、青魚、鵪子。餘魚及豬羊等物皆不可食。最忌者雞卵鴨子。食之即目盲。漫若卵白之狀。其應如神。

凡瘡疹兒病出盡。至痂焦落。身已涼。喜飲食。能起動者。以清涼飲子濃煎。量大小與服。微利一兩行。去其餘毒。即安。無後病也。若不下。則後恐發熱爲腫腮、鼻衄。下利。世人不用此法者。於此數證。或不能免也。

凡瘡疹治療之法。初覺之時。身熱未出。證候未明。未能辨認者。與升麻葛根湯、消毒散服。若熱二三日。證候已明者。則塗面目。辟穢氣。若出快。別無他證者。平和藥調之。出不快者。發之。出太盛者。散之。變黑靨者。救之。又毒攻咽喉口舌。則腫痛生瘡。毒衝心胸者。則煩渴躁悶。毒入大小腸。則大小便不通。或遺瀉下血。毒攻肝經。則目生障翳。瘡生於睛。則損瞳人。以至滅瘡癍。退餘熱。一切諸候。皆隨證用藥。其乳下兒患者。可令乳母同服其藥。則病得易愈。

升麻葛根湯。治瘡疹初覺未出。身熱不能辨認。恐是傷寒驚風。變蒸溫壯。疑惑之間。皆可與服。

升麻

葛根

芍藥

甘草炙各等分

右爲粗末。每二歲上兒用二錢。水一盞。煎至六分。去渣溫服。無時。

消毒散 治瘡疹已未出皆可服。未出卽消毒。已出卽減。

牛蒡子

二兩炒

甘草半兩炒

荆芥穗一分

右爲粗末。每服一大錢。水一盞。煎至五分。去滓溫服。下利者不可與服。若咽喉

腫痛者。尤宜服之。一方更有防風一兩。荆芥穗亦一兩。此千金方中。

紫草飲子 治如前。

右以紫草二兩細剉。用百沸湯一大盞沃之。

化毒湯

治如前。本方治瘡疹欲出。身壯熱。清意不佳。不思飲食。服之卽內消。已出十解。六七全出者。當日須三服立效。

嫩紫草

去粗梗

升麻

甘草炙各半兩

右剉如麻豆。以水二盞。糯米五十粒。同煎至一大盞。去滓放溫。量大小三四次

與服。一方瘡疹未出。服之內消。已出減輕。全出卽當日焦痂三服立效。

人參散 治瘡疹纔覺出。便服。令稀少輕可。

人參

白朮

貫衆

甘草炙

羌

活去蘆各等分

右爲細末。每服一錢。水一盞。煎至六分。去渣溫服。無時。

紫草如聖湯。治瘡疹纔初出。便急與服之。令減毒輕可。乳下兒與乳母兼服之。斷乳令自服。

紫

草去粗梗二兩

陳橘皮去白焙一兩

右爲末。每服一大錢。水一盞。入葱白二寸。煎至六分。去渣溫服。無時。

臘胭脂。瘡疹纔初出。便用塗眼周圍。以防瘡子入眼也。左右悉塗之。

黃檗膏

又名護目膏

瘡疹纔出。急用以塗面。從耳前眼眶邊厚塗之。以防瘡子入眼。

及面作癍痕。能早用卽能護目。及面上不生。若用遲。縱出亦少。塗畢後。可用胡

荑酒噴髮。

黃

檗一兩去粗皮一方只用蜜炙一方只剉碎用

新萊豆一兩揀淨一方用一兩半

甘

草半兩生一方用四兩分兩少者出妙選更有紅藍花一兩分兩多者出錢氏只三味董級方同

右爲細末。用好生芝麻油調爲膏。從耳前眼眥外及腮面塗之。日三五次。

胡荑酒

右以胡荽四兩細切。用酒三盞煎沸。沃胡荽。便以物合之。勿令透氣。候冷濾取胡荽焙乾。以紅絹袋子盛之。縫合。令乳母并兒帶之。其酒吸一兩口。從兒項下噴。及肩背胸腹四支令徧。不得噴頭面。餘酒與乳母飲之。爲佳。能令瘡出快速。妙選不論及噴。餘皆並同。又於兒左右常令多多頻帶胡荽。能辟汙穢之氣。故也。

鼠粘子湯 治瘡初生。纔作赤點。毒氣未得透皮膚。出作瘡。恐出不快。而微發之。

鼠粘子

二兩 炒香

荊芥穗 一兩

甘

草

半兩 炙

防

風

去蘆井 又枝

右爲末。每服二錢。沸湯調服。及利喉膈。化涎止嗽。一方只鼠粘子一兩。甘草半兩爲末。每服二錢。水一盞。煎至八分。去渣溫服。無時。

紫草散

治如前。

鉤藤鉤子

紫草茸等分

右爲細末。每服一字。或半錢。溫酒調下。無時。此先微用藥發之。經夕未出。加藥發之。

必勝散 治瘡疹出。未能徧勻。服之能透肌解毒。

右以牛蒡子不限多少炒令香熟爲細末每服一錢入荊芥二穗水一盞煎至七分放溫服無時。

龍腦膏子 治瘡疹未透心煩狂躁氣喘妄語或如見鬼。

右以生龍腦半錢研細旋滴豬心血和丸雞頭肉大每服一圓煎紫草湯化下少時心神煩躁便定得睡瘡子已發得透了自然依常法取安此方亦治黑陷倒靨者如用以溫酒化下。

又方 只用豬血一椀斗許腦子一小塊研細酒少許和服之極有神效之驗此沈存中所用之方也。

安斑散 治瘡疹出快肥紅平調之。

川升麻

赤茯苓

綿黃耆

羌

活

去蘆各一兩

人

參去蘆

枳

殼

去穰熬炒

桔

梗

去蘆

甘

草

各半兩

右爲細末每服一大錢水一小盞入紫草薄荷各少許煎至五分去滓溫服無時。

快斑散 此方治病如前。

貫衆衆一兩煉乾赤芍藥一兩

甘草半兩

川升麻半兩

枳殼殼半兩去

右爲末。每服一錢。水一小盞。入竹葉七片。煎至五分。去滓溫服。無時。其效如神。

抱龍圓 治如前。

天南星爲末。用臘月牛膽汁和成劑。再釀蔭百日而乾。四兩。如無。只以漿水或新水浸天南星三日。候透軟。煮三五沸。取出。乘軟去皮臍。只取白軟者。薄切焙乾。炒黃色爲末。用八兩。以甘草二兩半擘破。水二碗浸一宿。慢火煮至半碗。去渣旋旋灑入天南星末內。慢慢研之。令甘草水盡。次入於餘藥。

天竺黃一兩

雄黃研一分

辰砂研半兩

麝香研半兩

右同勻末。煮甘草膏子和圓。阜子大。溫水化服。百日兒一圓。分三四服。五歲兒一圓。若用臘月中雪水煮甘草和藥尤佳。此藥治傷風傷寒。溫疫風熱。痰實欬嗽。驚風潮搐。蠱毒中毒溫壯。及室女白帶。錢乙治瘡疹出快紅肥。只以此藥平調最好。

小品犀角地黄湯 治瘡疹太甚。解散之。

赤芍藥一分

生地黃四兩

牡丹皮去心

犀角屑半兩無卽以升麻代

右爲粗末。每服二錢。水一小盞。煎至六分。去渣溫服。有大熱如狂者。加黃芩半兩。更量大小與服。

木香湯 治瘡疹太盛煩痛。

青木香一兩

丁香

薰陸香

白礬各半

麝香二錢

右爲粗末。每服二錢。水一小盞。煎至六分。去渣溫服。熱盛者。加犀角屑半兩。輕者去白礬。大效。

豬膽醋 治瘡疹內發盛者。

醋四兩

大豬膽一個取汁用

右合煎三四沸。每半合上下。量大小與之。日四五服。無時。

萊菔汁 治瘡疹出不快。

右以開花蘿蔔煎汁。時時與飲。

紫草茸汁 治如前。

右以紫草茸水煎汁服。

活血散 治如前。

右以白芍藥爲末。每服半錢。或一字。溫酒調下。如只欲止痛者。溫熟水調下。無時。

蟬蛻飲子 治如前。

右以蟬蛻十枚。去泥土。洗淨碎之。用水三大盞。煎至八分。去渣分二服。出不快者。帶熱服之。若出多要消退者。放冷服之。神效。

四聖散 治瘡疹出不快。小便赤澀。心腹脹滿。一切惡疾。亦治倒靨。

紫草茸一兩

木通細剉四兩

枳殼麸炒去穢四兩

黃耆炙剉半兩

甘草半兩

右爲末。每服二錢。水一盞。煎至六分。去滓放溫。時時呷之。

川芎升麻湯 治瘡疹已出。未能勻徧。或毒氣壅遏。雖出不快。此藥禦風透肌。發瘡甚效。

川芎

川升麻

當歸去蘆洗淨

白芍藥各半兩

右爲粗末。每服一錢。水七分盞。煎至五分。去渣溫服。不拘時候。

解毒湯 治藏府蘊熱積毒發泄。斑瘡稠密。膿血大盛。狂躁發渴。咽嗑不利。偏身潰爛。苦無全膚。不能轉側。疼痛不任。

生地黃 四兩

犀角屑

白芍藥

牡丹皮 去心各半兩

右爲粗末。每服一錢。水七分盞。煎至五分。去渣放溫服之。

黑龍散 治小兒瘡疹纔發服冷藥。伏壓三日間危篤。急進此藥。

麻黃 去根節三分

竹茹 一分

蠍梢 二十個

蘇木 一分

烏龍土 一分乃火團也

右爲細末。每服半錢。水五分。煎至三分。溫服。

白虎化斑湯 治瘡疹赤黑。出不快。毒盛煩躁。或云白虎湯。有爲大人藥者。殊不

知孫真人言。大人小兒爲治不別。但用藥多少耳。

石膏 四兩碎

知母 半兩剉

甘草 炙三分

人參 去蘆半兩

右爲末。每服二錢。水一盞。入粳米二十粒。同煎至半盞。去渣溫服。小兒量大小分減。初春深秋。冬月寒時。加棗煎服。并乳母兼服大妙。斷乳兒只自服。

神通散 治瘡疹倒靨。伏陷不出。毒氣稍輕。大小便通利者。

地龍緊者去土。微炒一兩。砂別研一兩。生乾地黃先爲末。一兩。

右同拌勻。每服一字。煎胡荽酒少許。同溫湯調下。無時。

如聖散 治瘡疹已生。反倒靨內陷。舌縮。啼聲不出。腹脹肚急。一切惡證。

右用蛇蛻皮。於燈焰燒。先用碗一隻在下。纔燒焰絕。放在碗內。急用碗一隻覆之。不令透氣。良久揭開。細研爲末。每服一字。或半錢。用藿香湯調下。若變紅活時。則用牛蒡子炒熟爲細末。每服二錢。水一盞。煎至六分。放冷澄清。以匙抄清汁。頻頻與服。能滋潤咽喉。肺經。大解瘡毒。

七神散 治瘡疹毒氣內攻。黑紫倒陷。伏靨。危惡之候。

臘月獾豬血新瓦罐盛。密封至一兩。牙硝一兩。硼砂

牛黃 麝香 龍腦各一錢。細研別入。

餘血依舊封收之。以備再合要用。

右拌勻研細。以瓷盒貯之。每二歲兒用一錢。新水調服。利下惡物。瘡子紅活爲度。又一方。更有硃砂細末一錢。餘並同。名救生散。治如上。甚者不過再服。神

驗無比。又一方。無硼砂。卻有膩粉。硃砂各一錢。同研勻。各無比散。小瘡豬尾  
上血三五滴相拌。小者一字。乳汁調抹口中。大者半錢。新水調下。餘並同。

宣毒膏 治如前。曾經大效神妙。

硃砂 一兩 飛 乳香 一兩 研

甘草 半兩 末

牙硝 半兩 研

麝香 一分 生龍腦 一分 研

右於臘月八日。取豬尾後刺血一升。用新瓦盆盛入諸藥。同拌攪勻。以一寬  
大舊竹筒底留一節。都入在內。用紙數重密蓋緊繫封合。卻於筒口邊通一竅  
子。以麻索繫垂在大糞坑屋梁上。至清明日。取出曝乾。更入龍麝各一錢。研細  
勻。滴水。和圓。阜子大。每服一圓。煎人參湯化下。若毒盛瘡子倒靨變黑。服之則  
紅活而長。

猪血腦子 治瘡疹黑紫。倒靨不出。

生龍腦 一字 猪尾上取血 半兩 研

右二味相和。以帛子裹薄荷揉汁半合。調上件藥。勻於湯中盪溫。作一服飲之。  
神驗。一方。取小猪兒尾尖血三五滴。研生龍腦末少許。新水調下。治如前。

又一方。治瘡疹黑靨惡候。醫所不治者。用豬猪第二番血清半合。酒半合。研龍腦細末少許。和攪令勻服之。利一兩行。十救十人。大驗。小者量與。又一方。治瘡疹發。心間有熱。或誤服熱藥。致畜熱在心。昏冒不省人事。瘡子黑靨。用新殺猪心一個。取心中血。以生龍腦一字。同研合作一圓。新汲水化下。未省者再服。又一方。治瘡疹黑靨倒陷。於臘日收生猪血。新瓦瓶中密封。候自然滲泣至乾。每用半錢許。研散入麝香少許。同勻細。新水調下。其瘡變紅便出。已上數方。皆與沈存中龍腦膏相似。少有異爾。並經大驗。今俱錄之。

人齒散

治瘡疹黑靨發搐危困。

右以人牙齒三五枚。炙令黃。一方存性研爲末。入麝香少許。每半錢。溫酒少許調下。一方用乳香湯調下。沈存中言。屢見人用之效。

白母丁散

治如前。

右以白丁香爲末。入麝少許。研勻。每服一字。米飲調下。無時。

桃膠湯

治如前。

右以桃膠煎湯。飲之大效。一方以水熬成膏。溫酒調下。無時。

又方 治如前。

右以黑狗一隻。牢繫住。不與物喫。一兩日。候腸中舊糞盡。與生粟米喫。候粟米糞下。於活水中淨淘。只留化不盡米。曝乾收之。每用二錢。再淘淨。研爲細末。入麝香少許。新水調下。頃刻間瘡變紅活。

百祥圓。牛李膏。錢乙用此二藥。治瘡疹惡候。見於皮膚之下。不出。或出而不長。反變黑紫。倒靨內陷。一切危急。用百祥圓以瀉膀胱之府。減腎氣不旺。用牛李膏爲治。則病得從順也。董汲云。汲小年自病此幾殆。父母已不忍睨。服此牛李膏得安然。此方得於世甚久。惟收得不知早晚。故無效。今以收得併敍載之。

百祥圓一名南陽圓

右以紅牙大戟。不拘多少。陰乾。漿煮軟去骨。日中曝乾。復納汁中。煮汁盡。焙乾爲末。水和圓。粟米大。每服一二十圓。研赤脂麻湯送下。無時吐利是效。

牛李膏

又名必勝膏

右以牛李子不拘多少。須於九月後取之。乃野生道邊。至秋結實。黑子成穗。九月後乃得成熟者。氣全故也。爛研絹濾取汁。於石銀器中熬成膏。可圓時秤每

膏二兩。入研細麝香末半錢和勻。圓桐子大。每二歲兒一圓。或圓作阜子大。量大小分減用。以漿水煎杏膠湯化下。凡瘡疹黑紫倒靨者。不過再服。當取下惡血。或如魚子惡物。其瘡黑陷於皮下者。即紅大而出。

保生方。論小兒瘡疹。誤服涼藥太過。身冷瘡陷。不紅活。脈沉細者。急投金液丹。麻子大一二百粒。或有可生之意。至兒困極。則無及矣。方在和劑集中。

調肝散 治瘡疹平調肝經。使毒氣通流。瘡不入眼。

生犀角

錯屑一分

草龍膽

去蘆半分

黃耆

半兩炙剉

甘

草

一分炒

大黃

一分炒過

桑白皮

一分炙剉

鈎藤鈎子

一分

麻

黃

根一分去節

石膏

半兩研

栝樓實

半兩去皮

右爲散。每服二錢。水一盞。煎至五分。去滓溫服。無時。

兔肝圓 治瘡疹入眼。初覺眼腫痛。便時時看之。若睛上無瘡。即無害。若有時。須

先服清涼飲子。每日食後一服。取微利。以去其毒。然後服此二藥。雖有赤白障

膜遮交其睛。但瞳子不破陷者。皆可治。

黃柏

去皮一兩

蒼

朮

半兩米泔浸一日

石決明

生一兩

右爲細末。煮兔肝爛。搗和圓。菉豆大。每服三十圓。米泔水送下。食後、臨臥時服。  
龍蛤散 與前藥服。

龍膽草去蘆 蛤粉等分

右爲細末。每服二錢。積猪肝半兩。薄批。摻藥在中。以線纏定。用米泔於銀石沙銚內。炭火慢慢煮至肝熟爲度。食後少頃食之。以汁送下。日三。須先以清涼飲子利動。方服此二藥必效。

煎柿散又名通聖散 治瘡疹入眼。

穀精草去根 白菊花無卽用甘菊 菉豆皮各一分

右爲細末。每服一錢。用柿子一個。粟米泔一盞。同煎至水盡。取柿子喫之。日三。一月驗。一云淺者五七日效。重者半月日效。

仙靈脾散 治瘡疹入眼。

仙靈脾 威靈仙等分去蘆

右爲細末。每服半錢。米湯調下。食後。  
珍珠散 治瘡疹入眼。腎膜赤痛羞明。

枯樓根 一兩

蛇蛻皮 全者多焦一錢

右爲末。用羊子肝一葉。批開去筋膜。摻藥末二錢。麻縷纏定。米泔煮熟。任意食之。乳下兒未能食者。以肝研爛和圓黃米大。生米泔下十圓。乳頭餵亦可。日三令乳母兼食之佳。

浮萍散 治瘡疹入眼。痛楚不忍。恐傷其目。

右以浮萍草陰乾爲末。每服一二錢。用羊子肝半片。入盆子內。以竹杖子刺碎爛。投水半合。絞取肝汁。調藥服之。食後不甚者。一服便差。若目已傷者。十服差。

蛇蛻散 治瘡疹入眼。瞖膜侵睛成珠子。

馬勃 一兩

阜英子 十四箇

蛇蛻皮 全者一條

右入一小罐子內。泥封燒。不得出煙。燒存性。研爲末。溫水調下。食後。

仙朮散 治瘡疹入眼。生障膜丁子。先用硃砂水銀粉各一錢。粉霜三錢。一處拌

勻。入一小砂鍋子內。盛訖。新盞一隻蓋口。黃土泥縫。炭火燒赤。少時取出。放冷收之。如左眼有病。卽取藥一豆大。綿裹塞左耳中。右眼有病。塞右耳中。然後服此仙朮散。

紫蘇一兩

蒼朮

米泔浸一兩宿焙二兩 穀精草去根一兩

青蛤粉一兩

右爲末。每用豬肝一片。批開。摻藥三錢在內。麻縷纏定。米泔熟煮。先於氣上熏眼。然後食之。

煮肝散 治瘡疹入眼。諸藥不效。

青葙子

草決明

車前子

蜜蒙花各等分

右爲細末。用羊子肝竹刀薄批開。摻藥二錢在內。荷葉裹。麻縷纏定。石器內煮熟。任意喫。

如聖湯 治瘡疹毒攻咽喉腫痛。

桔梗

去蘆一兩

甘草一兩

牛蒡子炒一兩

麥門冬去心一兩

右爲末。每服二錢。沸湯點。細細呷。入竹葉煎之。更妙。食後。

治斑瘡入眼。

夜明砂半兩

木香

半兩

淡竹葉半兩

右爲細末。每服半錢。或一錢。井水調下。食後。

紫雪 治瘡疹毒攻咽喉腫痛。水漿難下。方載於和劑集中。

通關散 治瘡疹心經有熱煩躁發渴口舌生瘡及大小便不通。

大黃

瞿麥

木通

山梔子仁

滑石

甘草各半

地扁竹一兩

車前子半兩

右爲細末。每服一錢。水半盞。入紫草少許。同煎三兩沸。放冷溫服。乳食前。

甘露飲 治瘡疹已發熱毒上衝牙斷宣腫不能嚼物并乳母可俱服之。

生乾地黃切焙

熟乾地黃切

天門冬去心

麥門冬去心

枇杷葉去毛

黃芩去心

石斛去根

甘草炙

枳實就妙去穢

山茵陳葉去土各一兩

右爲末。每服二錢。水一盞。煎至七分。去滓溫服。無時。

青黛 治瘡疹熱盛心神煩躁。

右以青黛細研。每半錢。溫磨刀水調下。日三。

敗毒散 治如前。

白芍藥

甘草炙

雄

黃醋煮水飛各一分

右爲末。每服一字或半錢。蜜水調下。無時。

牛黃散 治瘡疹毒氣入胃。便血日夜無度。腹痛啼哭。

鬱金一兩 牛黃一錢

右研勻細。每二歲兒半錢。漿水半盞。煎至三分。和滓溫服。日二。

升麻湯 治瘡疹已愈。餘毒未解。瘡痂雖落。癍色黯慘。或凹凸肉起。宜用此滅癍消毒。

右以川升麻不限多少細剉。水一大盞。煎至七分。取汁以綿蘸洗拭瘡癍。

青金散 治瘡疹愈而癍不消。

白蒺藜半兩 山梔子半兩 青黛半兩

膩粉一錢

右拌勻。每用少許。生麻油調塗癍上。

又方 治瘡疹癍子。

右以蜜陀僧細研爲末。水調夜塗。明旦洗之。

又方 右以真玉時時磨瘡疹癍子。久則平滑。

清涼飲子 治瘡疹後解去餘毒。

大黃涇紙煨

當歸

赤芍藥

甘草炙各等分

右㕮咀。每服一錢。水一大盞。入薄荷兩葉。同煎至半盞。去滓溫服。食後更看虛實。以意分減。

神朱散 治瘡疹後解去餘毒。

赤小豆

炒 錢

槐

花 二錢

炒

麝 少許

右爲細末。每服半錢或一字。溫酒調下。臨臥只一服。微利之。

小兒衛生總微論方 卷八 瘡疹論

